



Broj: 05-1-50-4-210-2/20

Sarajevo, 18.03.2020. godine

Na osnovu člana 18. Poslovnika Centralne izborne komisije Bosne i Hercegovine ("Službeni glasnik BiH", broj 29/18), člana 32. stav (2) i (3) Zakona o radu u institucijama Bosne i Hercegovine ("Službeni glasnik BiH" br. 26/04, 7/05, 48/05, 60/10, 32/13 i 93/17) i Odlukom o postupanju institucija Bosne i Hercegovine u cilju osiguranja zaštite života i zdravlja zaposlenih zbog opasnosti od moguće pojave epidemije zarazne bolesti prouzrokovane korona virusom (COVID-19), donesene od strane Vijeća ministara Bosne i Hercegovine na 5. vanrednoj sjednici, održanoj 17.03.2020. godine, Centralna izborna komisija Bosne i Hercegovine je na 11. sjednici, održanoj 18.03.2020. godine, donijela

ODLUKU

o postupanju Centralne izborne komisije Bosne i Hercegovine u cilju osiguranja zaštite života i zdravlja zaposlenih zbog opasnosti od moguće pojave epidemije zarazne bolesti prouzrokovane korona virusom (COVID-19)

Član 1. (Predmet)

Ovom odlukom utvrđuje se proces rada u Centralnoj izbornoj komisiji Bosne i Hercegovine (u daljnjem tekstu: Centralna izborna komisija BiH), prisustvo članova Centralne izborne komisije BiH i zaposlenih na radnom mjestu, organizacija rada od kuće, način obavljanja posla za vrijeme važenja odluke, prava iz radnog odnosa, službena putovanja zaposlenih, kao i druge mjere i aktivnosti koje se odnose na zaštitu života i zdravlja zaposlenih u Centralnoj izbornoj komisiji BiH.

Član 2. (Proces rada)

- (1) Proces rada obavlja se u sjedištu Centralne izborne komisije BiH i na daljinu (od kuće).
- (2) Članovi Centralne izborne komisije BiH su dužni osigurati minimum prisustva u sjedištu Centralne izborne komisije BiH. Komunikacija članova se osigurava putem elektronske pošte i mobilnih telefona, a dok će sjednice komisije biti organizovane korespondentno. Ukoliko se ukaže potreba dužni su se odazvati pozivu predsjednika/ce i doći na posao u sjedište Centralne izborne komisije BiH.
- (3) Rukovodioci organizacionih jedinica dužni su osigurati minimum prisustva zaposlenih u sjedištu Centralne izborne komisije BiH, ali na način da ne bude blokiran rad i osnovne nadležnosti Centralne izborne komisije BiH (sistem rotacije zaposlenih).

(4) Zaposleni koji nisu raspoređeni za rad u sjedištu Centralne izborne komisije BiH svoje radne zadatke i obaveze obavljaju na daljinu (od kuće). Zaposleni koji obavljaju posao na ovaj način obavezni su biti dostupni putem elektronske pošte i mobilnih telefona u vremenskom periodu od 08.00 do 16.00 sati.

(5) Zaposleni koji posao obavljaju na daljinu (od kuće) ukoliko se ukaže potreba dužni su se odazvati pozivu neposrednog rukovodioca i doći na posao u sjedište Centralne izborne komisije BiH.

(6) Rukovodioci osnovnih organizacionih jedinica i unutrašnjih organizacionih jedinica svakodnevno u radnom vremenu trebaju biti dostupni generalnom sekretaru Sekretarijata Centralne izborne komisije BiH (u daljnjem tekstu: generalni sekretar) putem mobilnih telefona ili e-maila, ukoliko obavljaju poslove na daljinu.

Član 3. **(Plan rada)**

(1) Proces rada u vrijeme trajanja pandemije virusa COVID-19 obavlja se na osnovu plana rada koji se sastoji od plana rada članova Centralne izborne komisije BiH i plana rada Sekretarijata Centralne izborne komisije BiH.

(2) Plan rada iz stava (1) ovog člana utvrđuje kolegij na osnovu dostavljenih prijedloga članova Centralne izborne komisije BiH i prijedloga osnovnih organizacionih jedinica objedinjenih od strane generalnog sekretara.

(3) Plan rada iz stava (1) ovog člana donosi se sedmično. Članovi Centralne izborne komisije BiH i rukovodioci osnovnih organizacionih jedinica dužni su svoje prijedloge dostaviti do petka do 14.00 sati.

Član 4. **(Evidencija)**

(1) Za vrijeme važenja ove odluke, rukovodioci osnovnih organizacionih jedinica vode evidenciju o prisustvu zaposlenih na radnom mjestu, odnosno o radu na daljinu na obrascu koji je sastavni dio ove odluke.

(2) Tabelarni prikaz o prisustvu zaposlenih na radnom mjestu za vrijeme važenje odluke bit će sastavni dio ših listi.

Član 5. **(Ostvarivanje prava)**

Zaposlenima koji svoj rad obavljaju na daljinu pripadaju sva prava iz radnog odnosa izuzev prava na prijevoz.

Član 6. **(Službena putovanja)**

Sva službena putovanja u zemlji i inostranstvu odlažu se za vrijeme trajanja ove odluke i odnose se na sve zaposlene u Centralnoj izbornoj komisiji BiH.

Član 7.
(Postupanje)

Centralna izborna komisija BiH će postupati po svih mjerama donesenim od strane nadležnih institucija koji se odnose na oblast sigurnosti zdravlja i života građana.

Član 8.
(Stupanje na snagu)

Ova odluka stupa na snagu donošenja i objavit će se na internet-stranici Centralne izborne komisije BiH.

Predsjednica
Vanja Bjelica-Prutina

The image shows a circular official stamp of the Central Election Commission of Bosnia and Herzegovina (CK BiH) in blue ink. Overlaid on the stamp is a handwritten signature in blue ink. The text 'Predsjednica' and 'Vanja Bjelica-Prutina' is printed in black above the signature.

Dostavljeno:

-rukovodiocima svih organizacionih jedinica

-a/a

PLAN RADA

Mart 2020. godine

R.Br.	Zaposleni	1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30
1																															
2																															
3																															
4																															
5																															
6																															
7																															
8																															
9																															
10																															
11																															
12																															
13																															
14																															
15																															
16																															
17																															
18																															
19																															
20																															
21																															
22																															

Legenda:

S - Rad u sjedištu

D - Rad na daljinu (od kuće)

Potpis